

麻科活人全書

麻科活人全書卷之二

安成

璞齋謝玉瓊纂輯

怡菴彭

肇續刊

阜山劉野珍原刊

四方麻名第一

將糠疹瘡輸溫疹。其實屬麻。一症名。方語原來各有別治。同一例應如神。

麻疹之名各不同。在京師呼為溫疹。河南呼為糠疹。山西陝西呼為糠疹。山東福建廣東廣西雲南貴州四川俱呼為疹子。江南呼為痧疹。浙江呼為瘡子。湖廣江西俱呼為麻疹。又呼為船子。關人氏呼膚疹。雖四方之命名有別。其實皆一

麻也調治之法原無異耳。

絀氣第三

麻疹須明絀氣。先勿輕汗。下作傷寒。察人虛實。施良劑。無伐天和。損壽元。

麻疹之症。其初發熱與傷寒相似。但麻則面頰紅。咳嗽噴嚏。鼻涕清涕。目中淚出。呵欠喜睡。或吐或瀉。或手指眉目鼻面之為異耳。不可誤作傷寒。施治而妄用汗下也。妄汗則增其熱。而為衄。為咳嗽。為口瘡。咽痛。為目赤痛。為煩燥。為大小便不通。妄下則虛其裏。為滑泄。為滯下。經曰必先絀氣。母伐天和。言不可妄汗下也。是以治麻者。務須先明絀氣。如時令溫煖。以辛寒之藥發之。用防風敗毒散。或第如時令溫熱。以寒

涼之藥發之。用白虎解毒湯。見二十或黃連解毒湯。如時令
大寒。以辛熱之藥發之。用桂枝解毒湯。或葛根桂枝湯。如時
令時寒時暖。以辛平之藥發之。用荆防敗毒散。或葛根解毒
湯。尚兼疫癘之氣。則以人參敗毒散主之。又要看人之虛實。
如吐瀉不止。以人參之類補之。如便秘煩燥。以酒蒸大黃微
利之。經曰無實不虛。無虛不傷。損不足而補有餘。夫人性命。非
關天數。醫殺之也。能知損有餘。而補不足者。方為良工。
黃連解毒湯。

黃連 黃柏 黃芩 枝仁 荆芥 和母 石膏 大青
元參 木通 防風 吉梗 甘州 水煎服

桂枝解毒湯

荆芥 防風 牛蒡子 麻黃 吉梗 人參 川芎

赤芍 羌活 甘草 桂枝 生姜引

葛根桂枝湯

葛根 防風 甘草 桂枝 赤芍 升麻

姜三片 引淡豆豉一錢引

荆防敗毒散

荆芥 防風 茯苓 尺蠖 前胡 柴胡 吉梗 川芎

羌活 獨活 甘草 薄荷五葉引 除荆防加人參名人參

葛根解毒湯

葛根 荆芥 前胡 牛蒡子 防風 連翹 淡竹葉
人參 柴胡 吉更 赤芍藥 羌活 升麻 甘草
水煎服

預解宣毒第三

凡遇冬溫大不祥。民多疫癘發瘡。如逢麻疹相傳染。可用湯丸預解良。

麻疹從來解在初出。盡毒解。惡奇無腹中脹痛。邪猶伏。喘促昏沉。命必殞。

春溫夏暑。秋清冬涼。此四時之正氣也。若冬應寒而反溫。乃陽氣暴泄。火令早行。人感之者。至於來春。必發瘡。瘡未出。痘疹者。必感之而出。然疹雖胎毒。未有不由天行時令而發者。故一時傳染相似。遠近大小皆發。為父兄者。但見境里痘疹正行。宜先以消毒保嬰丹。代天宣化丸。以預解之。可使毒微。

而不為已甚。此雖先賢活人之婆心。而要知麻疹之症。只怕一時不能得出。若得出盡。則毒便解。到底治疹者。於初熱未出之時。宜以宣毒發表湯。去升麻。吉更甘草。或葛根解肌湯。二方俱見第五條去赤芍。甘草。葛根。疎邪湯。見三十條去骨皮。防風。敗毒散。見第五條去石膏。知母。淡竹葉。吉更甘草。加前胡。葛根。等方。隨用而發之。但得疹出。則毒解而始終無虞矣。如用一劑而疹仍不出。又再進一服。外以酒煎胡荽噴被蓋之。切要空露頭面。或以苧麻蘸胡荽酒。遍身搽之。令其毛孔疎開。疹方得出也。切勿用歲氣內照。時令寒暄。而用辛熱寒涼之劑。助其炎威。阻其發機。而成壞症。如三四次發之不出。又用臭椿樹。

根皮煎湯薰洗。倘仍不出。如之腹作脹滿。氣上喘促。昏眩。悶亂。煩燥。不甯。謔語。妄言者。必死無疑矣。有云用當歸紫草茸紅花牛蒡子之類。服之即現。斷不濟事。

消毒保嬰丹

僵豆藤

不拘黃豆莖莖根上纏連細紅絲藤於八月內生熟之日採取陰乾所用一兩五錢

大黑豇粒十

赤小豇粒十

牛蒡子炒

辰砂水飛過

生地黃

山查肉各一兩荆芥穗

防風

獨活

當歸

黃連

吉梗

生甘草各五錢

老絲瓜

隔年經霜者二個要連藤蒂蒂五寸燒灰

升麻

赤芍

各七錢五分

爲細末以沙糖合丸如李核大濃煎甘草湯化下

凡修合此丸須宜春分秋分或正月十五七月十五十月十五等日洒掃淨室焚香至誠修合勿令僧尼道士婦女有老服人及六畜見之合畢於日出時焚香叩齒東向吸氣一口次於丸藥之上向大陽覺呪曰

神仙真藥 體合自然 嬰兒吞服 天地齊年吾今奉
大上老君急如律令 一口氣默唸七遍

代天宣化丸 即韓氏醫通所載五瘟丹

甘草甲己年代土以此味為君

黃芩乙庚年代金以此味為君

黃柏丙辛年代水以此味為君

枝仁丁壬年化木。以此味為君。

黃連戊癸年化火。以此味為君。

連翹

佐為

山豆根

為

牛蒡子為佐。

如逢甲子己巳年。則以甘草為君。黃芩黃柏枝仁黃連為臣。連翹豆根牛蒡為佐。乙庚等年。俱做此君藥一兩。臣藥用五錢。佐藥用二錢五分。

為細末。於冬至日以雪水煮升麻汁。拌麵粉攪糊。合丸。用辰砂為衣。以淡竹葉煎湯化下。

諸潮亦能發瘧第四

傷寒傷風與傷食驚風等候諸潮熱久而不去亦非宜。痘疹因而乘開出。

手足稍微冷惡寒無汗面色青慘而不舒左額有青紋者傷寒之熱也手足稍微溫發熱有汗面赤而光者傷風之熱也並宜用惺惺散除人參白朮發散之目胞腫而右頰有青筋發熱而頭額肚腹之處最甚或兼嘔吐腹疼者傷食之熱也。以備急丸下之面色青紅額上中心有紋手掌心有汗時作驚惕手絡脉微動而發熱者此驚熱也以瀉青丸牛黃清心丸主之身熱而倍能食唇紅頰赤大小便閉脇下有汗者此

風熱也。以宣風散主之。已上諸熱久而不去。內外感發。則所蘊症。麻之毒亦能乘間而出矣。

惺匕散 治風熱咽喉不利。脾不和。三焦胆經渴。小便不利。

人參 吉更 白苓 白朮 瓜蒌根 甘草各一錢

細辛三 薄荷葉 防風 川芎一 水煎溫服

備急丸

木香二錢 大黃 牽牛各五分

為末。神麩糊合丸。蘇豆大。食前用查肉煎湯下五七丸。

瀉青丸

羌合 大黃炒 川芎 當歸 防風 枝仁 龍胆草

為末蜜丸雞頭子丸淡竹葉煎湯加沙糖調下一丸

牛黃清心丸 治發熱甚心煩不寧

生黃連五錢

辰砂一錢

黃芩

枝仁各三

川鬱金二

牛黃二錢五分

辰砂一錢

五分

為末用冬雪水調麩粉糊丸黍米大燈心湯下七丸

宣風散 大熱利其小便而不愈者以此下之

檳榔二

陳皮

甘草各五錢生丑牛二

炒丑牛二兩

為末二三歲孩兒用五分四歲孩子用一錢食前蜜湯調下

易老加防風 本方有青皮

初潮認症第五

麻為胎毒發於心。肺與相連。熱毒侵。咳嗽鼻中清涕出。更兼兩目淚溫溫。

麻疹之症。面必紅。呵欠咳嗽。鼻流膿。汪汪眼淚。頻頻嚏。休作傷寒別症攻。

麻疹初潮未現。標時必身熱。憎寒。頭疼。咳嗽。或吐。或乾嘔。或瀉。或腹痛。或鼻塞。或鼻流清涕。噴嚏。呵欠。眼胞浮腫。目淚汪汪。腮赤。體疼。煩燥不寧。夫麻乃胎毒所發。毒者火也。麻疹小而色紅。碎密。其行於皮膚之間者。屬手少陰心經。君火也。五臟心肺相連。肺位乎上。心經火旺。則肺受之。故麻之發。惟肺受。

毒最重。其咳嗽者。肺因心火炎上。而肺葉焦舉也。鼻流清涕者。鼻為肺之竅。以火燥金。而液自流也。目中淚出者。肺熱則移於肝。肝之竅在目也。肝屬木。木能生風。故有呵欠也。吐與乾嘔者。心火流入於胃也。肺與大腸為表裏。肺熱流於大腸。故眼胞浮腫。腹痛而泄瀉也。腮赤煩燥。心火旺也。噴嚏。肺經火邪也。或手搥眉目唇鼻及面者。肺熱症也。然麻難胎毒。未有不因時氣冒感而發者。故其症與傷寒相似。而身熱憎寒。賴疼體痛也。但治麻者。莫作傷寒施治。當先以肺為主。總宜瀉火清金。而瀉火當用黃連。黃栢枝仁。大青元參。連翹之類。清金當用黃芩。知母。貝母。麥冬。石膏。天花粉。牛蒡子。地骨皮。

桑白皮杏仁之類。夫麻初起。既與傷寒相似。而認麻須細看。兩耳根下。頸項連耳之間。以及背脊之下。至於腰間。必有三五紅點。此即麻之報標。如無紅點。以為証佐。則當以別症施治。此屢試屢驗者也。若果有紅點。及現有前症相符。則是麻候。宜用宣毒發表湯。去升麻。吉梗甘草。或少加蘇葉。或少加胡荽。或并去淡竹葉。主之。或用葛根解肌湯。去赤芍甘草。加防風。或更加蘇葉。只壳主之。或用防風敗毒散。去吉梗甘草。石膏知母。或并去淡竹葉。加前胡葛根。主之。俱以燈芯為引。與服。以陳風解肌托之。出外。可以坐享平安。雖有吐瀉。亦不必拘泥。麻出而吐瀉自止。蓋麻屬熱候。熱冲胃則吐。熱冲大

腸則瀉此麻之常候麻出熱鮮吐瀉之症不治自止不必更
憂吐瀉之不止而妄治也。

宜毒發表湯 治麻發熱欲出未出時各症並宜 凡地方麻
疹發作之時初潮之際未明是否麻症當以此方主之縱非
麻候即是冒感傷寒用之無碍 并附加減法於方尾

薄荷葉八分

葛根

防風

荊芥穗

連翹

牛蒡子炒

木通

尺壳

淡竹葉

各一錢

升麻

吉梗

甘草

燈芯引

勿用生薑皮

冬天寒月

可加蘇葉八分又加葱白為引

暑月炎天可加生黃芩

一錢

總除升麻吉更甘草不用

初潮無咳

留白陳皮以其其咳有咳切不宜加

初起往來潮熱者。除淡竹葉。免解膚熱。致麻難透表。在寒月仍宜加蘇葉。葱白以疎表之。

初潮潮熱太甚者。加赤茯苓。生地黄。并可加生黃芩。不必拘麻。初用寒涼水伏。麻不得出之說。正當用之。以保肺受火。尅之虞。但春冬寒月。黃芩等分。宜畧少耳。

初潮無汗。加葱白以發之。更畧加衣被。穿蓋。以取其汗。使毒透。切不可遽用胡荽酒。禽之法。免助邪火內攻。肺金重受。其尅藥中畧加胡荽。作引稍可。

初潮不食。不必治之。蓋熱毒內蘊。自必不食。熱毒一解。自然能食。切勿加進食開胃之藥。

初潮即見喘促。加黃芩、葶藶、瓜蒌仁以清肺開胸。或更加姜

汁炒北芥子。家蘇子、萊菔子以降之。

初潮嘔吐。加竹茹、柿霜。如無柿霜用柿蒂亦可。

初潮呃逆。枇杷葉、竹茹。

初潮鼻衄。加鮮茅根。

初潮即現咽喉痛者。加射干。倍用牛蒡子。

初潮即現唇乾齒燥。舌胎枯黃。口渴等候。加麥冬、花粉、黃芩。

甚則加黃連、黃柏、枝仁等味以預解之。

初潮熱甚。大便堅實者。加入蘇仁二三錢以潤之。用只實以導之。免致閉塞而熱毒不得發越。致變紫黑如便閉不通。

者。如生黑白丑牛末以利之。如利之不通者。必生氣喘。
扇逆症。即用黃連解毒湯。加大黃牛蒡子連翹地骨皮。
白皮以通之。如兼口渴者。並加麥冬天花粉。

初潮大便溏者。方內之只壳等分減用。以為開洩之路。庶可
免便閉之患。

初潮澹泄而有微汗。除薄荷竹葉。不可兼用。止汗止泄之品。
以堵其發越之門。

初潮泄瀉者。除只壳。

初潮洞泄者。除只壳。加猪苓澤瀉。以分利之。不可止泄。以塞
其舒暢之機。

初潮小便赤者。除薄荷葉加赤茯苓。或更加車前子以利之。
初潮小便不通者。合導赤散。家生地黃二錢木通甘草各一錢車前子 淡竹葉

除甘艸加車前子以通之。

初潮溺血者。如生地黃黃連黃栢黃芩枝仁。俱可隨意加入。
更加牡丹皮。以去其滯血。免使留而為殃。

冬月寒天無汗不咳者。量加蜜汁和酒炒麻黃二三分。

其餘諸症不能備悉。宜因所見之症。加減而用。至於等分之
輕重。須量人之大小。若月內半週嬰兒。只宜以盃許與服。
當令乳母代服。使藥性流入乳中。兒食母乳。如同服藥。

葛根解肌湯。

治麻初起發熱咳嗽。或乍涼乍熱。已現麻路並

宜。初潮未明。是否。麻痘。加減。同宣毒發表湯。並附已
現麻路。加減於尾。總除赤芍甘草不用。

葛根 前胡 荆芥穗 牛蒡子 連翹去 蟬蛻各八分

木通社 赤芍 甘草 燈芯引 桑白皮蜜 貝母去心

蒸隨意加入後藥

已現潮熱大甚者。加生地黃地骨皮茯苓更可加黃芩。

已現口渴者。加麥冬天花粉。

已現無咳者。不妨少加留白陳皮。

已現無汗者。加葱白。

已現氣喘。加葶藶栝蒌霜。喘甚者。加北木蘇子。蘿蔔子。

已現嘔吐者加柿霜竹茹。

已現鼻衄者加茅根。衄甚者更加黃芩黃連。俱生角。

已現大便堅者加只實大蘇仁。已現大便閉者加丑牛。

已現大便閉用丑牛仍不通者加生大黃黃連黃芩。

已現大便溇者加赤苓澤瀉。洞泄者亦如之。

已現小便赤澀者加赤苓澤瀉。

已現小便閉塞不通者加車前子并加只壳。

防風敗毒散 加減照前二方酌用。總除甘吉二味不用。

防風 荆芥穗 連翹 牛蒡子 石膏 知母 木通

薄荷 只壳 淡竹葉 吉更 甘草 燈芯引

初熱未明是否勿峻發表第六

初熱之時症未明。醫家診視生疑心。此時且勿峻發表。畧施清解得安寧。

初熱之時。不見痲路。未明是否。不可發表。畧宜清解。用利咽

散主之。如見痲路。則當以葛根解肌湯。

見第五條去赤芍甘草加

防風。只壳葱白主之。更加蘇葉亦可。或以蘇葛湯。去赤芍柴

胡。甘草加只壳葱白主之。如熱不出。則用蘇葛湯。去柴胡赤芍

甘草。加蜜酒炒麻黃以發之。或以宣毒發表湯。

見第五條去升麻

淡竹葉。吉梗甘草。加蘇葉葱白。或加蜜酒炒麻黃。開提腠理。

自然出現。或用厚衣綿絮蓋之。得汗自頭至脚。漸減衣被。使

皮膚通暢。腠理開豁。而麻易出。縱不出。不可再沃。恐致亡陽之變。只宜頻以葱白湯與服。使毛孔中微汗潤澤。其麻自出。庶無熱閉發搐之患。既出之後。可用防風敗毒散。見第五條去淡竹葉石膏。知母。甘更甘草。主之。不可無表。防其內伏。既出而潮熱甚。或兼口渴者。則石膏知母竹葉並宜用之。且更可加地骨皮。生地黃。麥冬之類。以清其熱。而涼其血。以生其津也。更可加枯黃芩。以清肺。生黃連。以瀉心。而諸候不生矣。

利咽散 治咽喉腫痛

牛蒡子炒 元參 防風 水煎服

蘇葛湯聯杏心 治麻初熱未明症候

蘇葉 粉葛 木通 元參 黃連微炒 連翹 防風
黃芩 柴胡 赤芍 甘草 無汗加蜜酒炒麻黃
發熱太甚者加牛蒡子炒五分
發熱太甚不止加鮮骨皮生地黃
如熱不大甚者黃連黃芩俱去之加只壳荊芥穗
葱三根引水煎熱服

避風寒第七

麻症須當避風寒。不避風寒。皮膚燥乾。腠理閉密。毒難出。後生危。

症有千般。

風寒本自外來。麻症終始最宜速避。如或不謹。失於避忌。一受風寒。則令肌膚乾燥。腠理閉密。遂至麻毒不得發越。而難出矣。初潮之時。若能避忌。麻則易出。毒則易解。自無後患。正出之際。不知避忌。麻為風寒所觸。出必復收。致毒積於內。而不得解。變症生焉。已收之後。切宜避忌。若不避忌。留毒難盡。變症無窮。輕者症延日久。咳嗽與痰疾。終身不愈。重者必變危症。而難救也。是以麻收之後。必待二七之後。熱退身涼。無痰不咳。飲食如常。精神復舊。方可不避。慎之慎之。

忌恣食生冷物驟用寒涼藥第八

麻屬火候多煩渴病者時喜食涼物初熱未出也須禁。熨之恣食毛孔密。

麻用寒涼本所宜也須審時而察機。大寒遽用麻難出。伏毒內攻咎在醫。

麻本火候。自發熱至出透之日。未免有口渴煩燥。故多喜食冷物。蓋麻症屬火。食冷雖曰無妨。然生冷等物。麻症始終當忌何則。夫麻最要透表。只宜溫暖飲食。以候其透表。若於初潮未出之際。而食生冷。冰伏火邪。則毛孔閉密。而毒火難出矣。即透表之後。亦忌食生冷。但柿餅秋梨白蓮藕荸薺可以

畧用桃李梅子柑橘石榴菱角等物。又在所必忌。然非但患
麻者生冷等物忌食。即醫家治麻寒涼之藥。亦不可驟用。夫
麻初發熱之時。而最忌寒涼之品者。蓋恐冰伏麻毒。使毒氣
鬱遏而不得出。而成內攻之患也。古人謂天氣暄熱。宜用辛
涼之味。如黃連解毒湯之類。不知天時之暄熱。熱氣豈寒涼
之藥所能解也。今若驟用寒涼。恐不足以解外熱。而適足以
阻內熱。使之不得出也。曾見有一歲孩子出麻發熱。未見點
時。而發驚搐。醫家認作急驚。用寒涼之藥攻治。致麻毒隱伏。
在皮膚之內。不得出表。後一醫以滋陰為主。用四物等劑。亦
不效。效煩悶聲啞。數日而死。此可以知驟用寒涼。冰伏麻毒。

之爲害也。今因天時暄熱而執泥歲氣之說而驟用寒涼豈
理也哉。故治麻者凡於麻初出之時雖有身熱煩渴等症宜
以宣毒發表湯見第去甘草吉更升麻少加酒炒黃芩三五
分以清之。切不可遽投黃連黃柏枝仁等味恐冰麻毒而內
伏。致麻不得外出。後雖設法宣表而麻終不得出矣。可不畏
哉。

忌食辛辣熱物誤用辛熱藥餌第九

辛辣香甜與熱湯。嬰兒乳母俱忌嘗。果能禁謹不違法。管教始
終保安康。

痲喜清涼最忌溫。燥熱藥餌勿沾唇。誤用能助其邪火。癰蔽內
攻救無門。

辛辣之味與熱湯水。患痲之人多酷好之。何則。蓋痲屬火候。
火蘊於內。得辛辣熱物。而痰火暫快。故多喜食。凡患痲者須
宜禁戒。庶無後患。如或因其酷飲。遂以胡椒茱萸作湯。或淳
酒薑蒜薑蕪之類。與食而順其欲。暫雖快暢。久則痰火益甚。
致痲變紫黑。或二便閉結。或成血痢。腸頭露出。或生牙疳。或

唇舌破裂。或喉中痰響。齶齦。或五竅出血。或大熱不止。致胃
火益甚。而飲食即吐。不能下者。種種惡候。因而生焉。若食乳
孩子。乳母亦當禁忌。倘不禁忌。而食辛辣等物。兒食其乳。必
致變症不測。可不慎乎。夫患麻之人。辛辣之物。既當忌食。而
治麻醫家。用藥立方。辛熱燥悍之品。慎勿妄施。如桂枝。麻黃
羌活。獨活。白芷。川芎。蒼朮。香附。藜蘆。仁白。木丁。香木。香砂。仁肉
豆蔻。肉桂之類。不可輕使。若於麻初熱之時。而誤用之。反助
其毒。使毒氣壅蔽。而不得出。致有內攻之患。即有癩疹初起
而見四肢逆冷者。乃火極似水之故。不可妄投熱藥。麻痘自
然溫和。昔人謂天氣大寒。宜用辛熱。以桂枝湯之類發之。不

知天氣大寒。只宜置之煖室。謹避風寒可也。且天氣縱極嚴寒。而人身中之熱毒。未必因天寒而減。而因天寒。遂用辛熱以治麻症。豈理也哉。庸工執泥歲氣。時令大寒。宜用辛熱之藥。發之之說。譬諸麻疹初出。而有嘔吐。醫不知此為常候。而用蒼朮以平胃。丁香砂仁以煖胃。譬有頭疼。而用川芎白芷。羌活獨活以治頭疼。譬有手足稍冷者。遂即用桂枝肉桂。以溫其手足。殊不知麻症之作嘔吐者。乃火熱蒸於胃也。頭疼者。乃火毒上攻也。今反以辛溫之藥攻之。是猶抱薪救火也。至於手足稍冷者。乃熱極似寒之象。俟麻出透。而手足自溫。醫家不明。而謂桂枝可。於四肢之末。肉桂可以溫經。回陽。

而遽用之。是誤之又誤。陷人性命。良可歎也。執天寒而用辛熱之說者。何殊乎是。倘有誤服辛熱之藥。助其邪火。煩渴便閉。致麻不出。危篤之極者。以清陽湯去升麻。吉梗。甘草。主之。愚按邪火內攻。渴煩。致麻不出。而兼有便閉者。加黑白丑牛以下之。是亦釜底抽薪之義也。

清陽湯

荆芥穗

防風

前胡

連翹

元參各四分

薄荷葉

牛蒡子

只壳

黃芩

木通

麥冬

淡竹葉各三分

吉梗四分

升麻三分

甘草二分

姜燈芯引姜并宜表

忌食諸肉雞魚醃醋五辛等物第十

疹家禁忌法須防葷醃辛酸不可嘗欲不從心方是福物若爽口定為殃。

麻疹禁忌肉魚雞。欲食須過七七期。鹽醋五辛通是禁。務宜食淡免禍機。

麻疹禁忌。比痘尤甚。蓋痘初起。則宜慎口。至起水之時。雞肉食之。正可助漿。若麻疹馬牛猪羊鵝鴨魚腥等味。鹽醋甘甜。麵食五辛滯氣煎燻等物。必麻收後四十九日之外。方可食用。惟宜食淡。庶無後患。若七七之前。不知禁忌。則終身但過天行麻。必復出。即不復出。亦有後患。食鹽太早。令人咳嗽。食

五辛大早能生驚熱食重腥太早必生奇症是以自麻收後宜慎口四十九日但猪肉一味猶可先食亦必俟身涼不咳並無胎及他症者方可先食其餘必須遵期謹戒非但出麻之人當慎即乳兒乳母亦必禁忌蓋麻之為病有類傷寒葷腥不謹禍生不測曾見麻案有云賀少君患麻家人不知以肉飯與食適緣仲淳主見而驚曰爾至出麻此麻症之極重者何可食葷急命蘇虎湯三劑與服而麻盡現遍體皆赤又以原方進二劑麻雖盡出而煩燥不寧勢尚不可保乃以三黃石膏如檉葉湯一大劑濃煎與服煩燥定而痊口腹之為害匪輕可不慎乎

姦虎湯

西河柳

麥冬各兩許知母五錢淡竹葉七十片

无參

貝母

又名蘇去心姜汁蒸各三錢

石膏

一兩五錢

水煎服

三黃石膏加檀葉湯檀葉即西河柳

黃連

黃栢

黃芩

各五錢

石膏

麥冬

去心各三錢

西河柳

知母

各一兩

淡竹葉

二百片

水煎

忌兼用補瀉第十一

痲疹症治法最廣。當補當瀉須究議。清解補瀉誤兼施。殺人性命如反掌。

痲初出時。多有泄瀉不止者。其毒火因瀉而減。此殊無妨。若痲出盡之後。而瀉紅黃色糞者。乃內有伏熱也。與泄瀉過甚者。俱宜以加味三苓散與之一服。即愈。切不可用參朮訶藪補瀉之劑。以圖速止。醫家若不識禁忌。未經講究。一見有瀉。遂用補瀉。乃曰吾於清解藥中。兼用參朮訶藪等分。又輕。何碍於事。一服不見功效。不知改方施治。又曰參朮訶藪等分。輕少。故不應耳。於是多加參朮訶藪分兩。而再與服。致痲變

症重則腹脹喘滿而不可救。輕則變為休息痢而纏綿不已。然非僅痢出齊之後。瀉紅黃色者。不宜兼用補澁。即痢已收之後。而泄瀉黃紅色。亦不宜兼用補澁。仍宜以加味三苓散治之。此兼用補澁。況且不可。若專用補澁者。則殺人且不待反掌之久矣。業斯道者。可不慎歟。

加味三苓散

猪苓

木通

車前子

赤茯苓

各七分

澤瀉八分 黃芩酒炒

牛蒡子

炒研各五分

黃連

酒炒二分

燈芯五十寸引水煎食後服

升發清涼解毒當分先後第十二

升發清涼與解毒。此乃治麻之大法。用之須當分先後。次第由來。渾不得。

治麻用升發清涼解毒法所宜然。當分先後而施。不可渾用。何也。麻初發熱。恐難透表。故當用升發疎表解毒之劑。使之易出。見標之後。與正出未透之間。宜發表而兼清涼。使血涼肌解。麻易出透。至麻到通身上下俱紅。總成一片。累亡如珠。手足之末。上下相同。無有空處。此為出透。斯時則當用清涼解毒之劑。不必兼用發表之藥。一解即愈。若於初熱正出之際。而即用寒涼解毒之劑。則氣滯血凝。肌膚閉密。不得開

透致麻不出。多生危候。是以於初熱未出之時。及正出之際。只宜辛散。如荆芥、葛根、薄荷、前胡、牛蒡子、防風、蘇葉、淡竹葉、石膏之類。可以施用。即麻黃亦當因症而施。使之易透。正收及收後。宜用寒涼解毒之劑。如元參、青黛、麥冬、黃柏、枯芩、根黃連、黃芩、連翹、貝母、知母、枝仁、山豆根、淡竹葉等藥。俱可施用。使毒火易得消散。方無後慮。

禽麻當分天時第十三

禽麻之法大非宜。強用須當分天時。春冬寒月猶似可。夏秋炎日切莫施。

古有禽麻之說。雖近有理。然亦當分天時。如春冬嚴寒。麻爲風寒所逼。閉而不出。禽之以取汗。使腠理開。豁猶曰可也。若夏秋炎熱之時。只宜令之於無風之處坐臥。以單被蓋之。勿令其冒風。冒暑耳。豈可禽助。倘炎熱而用禽法。則火熱愈甚。麻必焦紫。致變壞症。而不救。多矣。

補中第十四

痲症從來喜清涼。首尾不用補中方。緣何痲後議補中。爲救過涼脾胃傷。

痲症屬火。肺胃實熱者多。虛寒者少。干人之中。虛寒者偶有其一。故治痲俱宜先用疎散寒涼之藥者。此之謂也。而古人又有議補中之說者。何哉。蓋指痲收之後而言。非指初熱正出正收時之謂也。緣由痲症先用寒涼之藥過多。而脾胃受傷敗壞。以致痲收之後。多得嘔吐泄瀉青色。唇白身冷。當審其輕重。而用補中之法。所以人參白朮白苓砂仁霍香陳皮。薏苡仁蓮肉等味。在此不忌。但當佐以清涼之藥。加川黃連。

枯黃芩俱微炒而用之。夫既補中而又加清涼之品者其義蓋恐中氣實而邪火復作。故兼用之耳。至於白朮嘔泄大甚者用之始宜。如吐瀉輕者則又不宜輕用。若其人素稟虛弱當出痲之際過於發散。出透之後又過用寒涼解毒以致虛弱之極。骨瘦神疲而無紅色且又不能多食。上多即吐者。即急以香砂六君子湯去半夏加麥芽釵石斛以補之。

香砂六君子湯

人參 白朮 白朮 白茯苓 炙甘草 陳皮 半夏 木香
砂仁 水煎空心服

正麻奶麻風癩不同第十五

痘後出麻爲正疹。此由胎毒發於心。一次出現不再出。正麻名兒始爲眞。

嬰兒初離母胎中。遍身斑駁似硃紅。亦由胎毒生斯候。莫作時行麻疹誤。

嬰兒當值炎熱天。遍身忽似出麻然。此名風癩非胎毒。不須用藥也會痊。

正麻之出。由於胎毒。其出也必在出痘之後。或隔兩三月。或隔半年。一年之久。甚至八九年之遠。感正麻之氣。而出一。次。後再不復出矣。奶麻者。小兒初生未滿月時。遍身紅點。斑駁。

如珠皆由兒在母胎中受有熱毒所致。故生下發見於皮膚。不可認作時行麻疹。妄用湯劑。蓋嬰兒臟腑嬌脆。氣血怯弱。不能勝受湯丸。宜以溯源解毒湯與乳母服之可耳。若風癩者。亦有似於麻子。乃發在幼孩甫生一月半週一歲之間。時值天氣炎熱。感風熱而作。此不由於胎毒。乃皮膚小疾。感風熱客於脾肺二家所致。不在正瘰之列。常見出一次。又出一次。亦有連出不已者。無關大利害。不必用藥。而自散。倘身熱不退。只宜微用疎風清熱之劑。一服即愈。以荆防發表湯除紅花主之。如身不熱者。不必用藥。免致誅伐無過。然亦當慎風寒。戒薑蔥生冷辛辣等物。勿以其無關利害而忽。詎惡觸。

動風熱而生他病。論云風癱身熱不退。宜疎風清熱。以荆防發表湯主之。細按方內。止有荆芥防風疎風之品。并無清熱之藥。且川芎上行頭目。當歸血中氣藥。查肉長於消肉積。甘草雖能和藥解毒。其實有調中益氣之功。吉梗性上升。能阻各藥不得下達。并非清熱之品。且云除紅花。反不若紅花之能散赤腫解疹毒之。猶為可用也。愚意莫若用防風敗毒散。見第五條去甘草吉梗杏仁。加元參黃芩地骨皮。以疎風清熱退潮之為妥當耳。

溯源鮮毒湯

又名鮮毒湯

鮮胎毒良方

當歸身

川芎

生地黃

白芍藥

人參

連翹

黃連

陳皮 木通 生甘草 淡竹葉引

荆防發表湯

此方大能疎風清熱能散風熱客於手足太陰致發風癩及麻疹連熱三四日而始見標而不甚煩燥。

荆芥穗

防風

吉櫻

只壳炒

蘇葉

川芎

當歸各

乾葛八分

紅花二分

杏仁去皮

羌活炒

牛蒡子炒研各

查肉去核

生甘草三分

去皮

連翹五分

水煎服

夏天炎熱加酒炒黃芩五分

冬月嚴寒加麻黃三分或加羌活五分

小便赤瀉黃加木通七分

去皮

溫痧第十六

胎毒風熱兩相搏。又值時令。癘氣傳人。如感之出。溫疹。調治乖張。變多端。

溫痧者。由於胎毒感於風熱。又值時令。疫癘之氣流行。城市鄉村傳染。迅速異常。調治若不得法。立刻變症。治法於初熱時。及欲出未出之際。宜以宣毒發表湯。見第五條去升麻。吉梗。甘草主之。已出紅腫太甚者。用化毒清表湯。見第五條去吉。更甘草主之。出透流毒成痼者。用清熱導滯湯。見第二條主之。此三方以之。如減變化。無論正痧溫痧。每用定獲奇效。然凡出正痧之後。則不再發溫痧。

代毒清表湯

治麻已出紅腫太甚并為麻疹已現主方。

并

附加減法於方尾。總除甘言二味不用。

前胡

乾葛

知母

連翹

吉梗

各七分

牛蒡子

各七分

木通

元參

錢

黃連

防風

枳仁

炒黑各

薄荷

黃芩

酒炒各

五分

天花粉

地骨皮

各八分

淡竹葉

一錢

生甘草

法

燈芯

五十寸引

加生犀角

分

更好

潮熱輕者

除淡竹葉

枳仁

黃連

薄荷

潮熱重者

加生地

黃地骨皮

赤苓

只壳

黃連

黃芩

生用

口渴

加麥冬

熟石膏

如不作

口渴

除知母

花粉

大便瀉

加炒火

蘇仁

只壳

大便閉。加六神炒白黑丑牛。如二三日不通者。加大黃。

小便赤澀。加木通澤瀉等分。

小便不通者。加車前子。

無咳。加留白陳皮。

無汗。加葱白。

紫色。加紫草茸紅花。

赤色。加牡丹皮當歸尾。

夾紅紫斑。加紫草茸牡丹皮。

熱甚不減。去防風薄荷。加生地黃川貝母。

咽痛。加射干山豆根麥冬。

謬語加生地黃木通

麴蘗加枯萋霜葶。陰天花粉淡竹葉薄荷。
氣促加蘇子萊菔子。去天花粉淡竹葉薄荷。
飢逆加竹茹柿霜枇杷葉嘔吐亦宜。

痘夾麻出第十七

痘出之際熱烘上紛紛麻點遍身紅脾肺遊火夾痘出托出麻疹痘成功。

初現痘點數十粒遍身紅點細密上此是大痘夾疹子由於脾肺風熱出。

麻疹有於出痘之時相夾而出者當出痘之際發熱蒸上繞現痘苗數十顆遍身通紅碎碎密密形如出麻似非出痘其實大痘夾麻而出是痘為正出而麻不過脾肺兩家之風熱遊火隨痘而出現也不甚關利害遇此等症不必驚慌以元參升麻湯除升麻與甘草加黃芩連翹一二劑與服宣托麻

疹盡出而消斂正痘自然依期起灌而慶成功此等夾麻之痘而痘出必多疎稀。

元參升麻湯

治痘夾麻夾斑夾丹等症

元參

錢一

升麻

五分

防風

荊芥

牛蒡子

炒研各七分

生甘草

去皮三分

水煎溫服

蓋痘解毒痲第十八

痘回水時將結痲。身復發熱。驚留家。倭爾遍身上下紅。現出蓋痘解毒痲。

痘至回水結痲之際。復又發熱。遍身上下通紅。細看痘粒。膿漿充足。此乃蓋痘解毒之痲出也。其名云何。蓋痘者。痘之上蓋一層痲也。解毒者。此痲一出。可以解痘毒也。宜以大連翹飲去赤芍。柴胡。甘草。加熟石膏。天花粉。淡竹葉。地骨皮。各一錢。以清解其餘熱。此等症候。蓋因痘起灌之時。痘必稠密。醫家極力催漿。過用補劑。以致熱滯脾肺而作也。

大連翹飲 治濕毒利小便

連翹去子一錢

牛蒡子

防風

荊芥

黃芩

赤芍各七分

枝仁酒炒

滑石研各五分

車前子炒

穀瞿麥 木通

柴胡去蘆

當歸各八分

蟬退去頭足洗去土十二隻

生甘草三分

熱甚大便閉。加酒炒大黃一錢。

生姜一片引。

前方去枝仁。加紫草。名連翹防風湯。治痘疹熱毒。壅閉小便不通。

痘後出麻第十九

大痘秀實症已平。倏爾麻疹又來。侵此時胎毒曾經解。惟宜用
養肺金

出痘已經收靨落痂。痘症已平。此時胎毒已經清解。適值天
行麻疹發現。旋即出麻。惟宜清金養肺為主。以參貝散主之。
愚按痘後即出麻。雖曰胎毒曾經清解。然痘當起灌之時。豈
有不施補劑。催漿灌膿之理。其間定有餘熱留毒。今痘後相
繼出麻。未必絕無毒火。全因天行而發者。雖宜清金養肺。而
方中之吉梗甘草。仍須停用。即沙參亦當以元參易之。更宜
加枯黃芩瀉肺。以清肌表。連翹牛蒡子以解心肺之留毒。赤

芩只壳。利二便而洩心與大腸之火。則肺金清而毒盡解。尤
爲妥當。

參貝散

沙參 貝母 吉梗各一 西河柳錢二 甘草五分
水煎服

閉症第二十

瘵見閉症。眼腫赤。聲啞鼻乾。發喘渴。腰腹脹痛。人昏沉。唇振煩燥。二便血。

麻初出時。眼胞腫。白夾赤色。聲啞唇腫。振香鼻乾。鼻損氣喘。煩燥口渴。腰痛腹脹。人事昏沉。口鼻出血。煩亂狂叫。二便出血。此乃毒火鬱遏於內。名曰閉症。最為難治。宜用宣毒發表湯。去升麻甘草吉梗。五條加酒炒黃芩七分。酒蜜炒麻黃五分。或更加元參山豆根治之。若能托出麻標外現。漸次發出者。可以望生。如仍閉而不出。則無望矣。

首尾調和第二十一

痲毒清涼痘喜溫痘瘰治法不同倫痲苗痘實無人解首尾調和法宜遵

痘痲兩症皆係胎毒均屬心火而痲則喜清涼之藥如古方化斑湯以元參易人參去升麻甘草早米萬氏化斑湯去白吉椶甘草是也痘喜溫補之劑如保元湯是也故痲喜清涼痘宜溫補人皆知之而首尾調和之道人多不曉何也夫痲只要發出得盡則毒便鮮若於初熱將出時而一味寒涼冰伏其毒痲必難以透表而毒不得鮮所以初出至正收宜安處煖室勿用峻寒之劑使之易透是痲亦喜和暖也痘則必

待苗而秀。上而實。膿成而後毒解。若於痘成實之時。用大溫熱之藥。則反潰爛不收。是痘後亦喜清涼也。業斯道者。須知治麻貴乎審首。治痘貴乎審尾。無過寒。妄熱。使溫涼適宜。而陰陽自和矣。

古方化斑湯

人參 石膏 知母 牛蒡子 連翹 地骨皮 淡竹葉
升麻 甘草 早米一撮引

萬氏化斑湯

元參 知母 石膏 牛蒡子 麥冬 淡竹葉 吉梘
甘草 水煎服

熱有遠近而出二十二

麻熱遠近難定期半月七八日有之發熱四日疹始現輕平清安順症時。

癩疹發熱有近則五六日而出遠則八九日或十日半月乃出。總以發熱四日內現標者其疹多輕然必須解毒若初熱之時既表之後紅影見於肌膚切宜戒口避風如或不禁則皮毛閉密毒氣難洩或變紫黑或生痰涎致變驚搐而不治。若遇此候宜以消毒飲去甘草加犀角汁主之。如極渴欲飲水者只宜少與葱白湯以滋其渴。又有作寒作熱至於終日不退者然始熱之際必見面赤眼腫多涕多淚咳嗽連聲等

外症宜詳察之。慎勿臨症恍惚。夫麻之出。其狀如粟。紅壘而起。間有不出。或只頭面有。四肢無者。此則天行時氣。濕熱在脾。以致昏睡發熱。麻不出現者。當以消風散去人參。川芎厚樸。如連翹。牛蒡子。粉葛。荆芥。只壳薄荷。羌活。只用三分治之。如或不應。以小柴胡湯去半夏。人參。加牛蒡子。當歸。身熟石。膏治之。倘風熱不散。久必咳嗽不已。愚按消風散小柴胡湯二方內之人參。川芎。羌活。厚樸。僵蚕。柴胡。半夏。甘草。及陳皮等藥。俱係麻方禁用之藥。依法刪去之。合二方。僅得赤茯苓。黃芩。蟬蛻。三味耳。而用以治濕熱在脾。昏睡發熱。致麻不出現等候。其有濟耶。此的係坊間誤入。斷不宜用。愚意甚苦。

以宣毒發表湯。修五去升麻。去梗甘草。加猪苓澤瀉。以泄脾濕。以解其肌之爲當也。

消毒飲 治痲出一日。風寒所冲而收。痲毒內攻。急用此方。免致胃爛不救。

牛蒡子

四

荆芥

二

防風

五

生甘草

一

加烏犀角屑更妙。水煎服

消風散子和方

人參

川芎

羌活

姜蚕

厚朴

陳皮

蟬蛻

茯苓

爲末白湯下

小柴胡湯

半表半裏和解之劑

人參 黃芩 柴胡 半夏 甘草 姜三片 紅棗三枚 引

不熱第二十三

麻疹出現全惡熱身不熱。今疹不出。潮熱和平。方爲福。症逢不熱大非吉。

不熱者。謂身溫涼而無熱也。初起不宜大熱。及至正出之時。

不宜無熱。如不熱者。即係逆候。以宣毒發表湯。見第五條云升麻

甘草。吉梗。淡竹葉。或葛根。併肌湯。見第五條除甘草。淡竹葉。亦乃

以疎托之。亦有用越脾湯者。不可以此爲法。出盡及收後而

不熱者。是毒盡也。不須用藥。

越脾湯。治風水惡寒。一身悉腫。脈浮不渴。續自汗出。無大熱

者。越脾者。發越濕土之邪氣也。水濕之氣。因風中外流播。兩

相激搏。勢難分解。不得不藉麻黃以祛之。從表而越。以石膏清之。從裏而化也。

麻黃

去節
五錢

石膏

八

炙甘草

一錢

生姜三片 紅棗五枚 引水煎分作二次服

微熱第二十四

油麻不怕火燒。天若逢微熱。休安然。初起之際。猶無忌。正出之時。却又嫌。

微熱者。言熱輕而不壯也。初起之時。則宜。正出之時。熱不宜微。熱則麻出而不能透矣。宜用疎托之劑。以葛根解肌湯。見第五條去赤芍。甘草。淡竹葉。生之。未收及收後微熱者。此毒輕而盡也。不必用藥。

乍熱第二十五

發熱數日熱便退。再隔數日熱又來。時熱時涼為乍熱。用心調理免受災。

熱而又退。又熱。初潮正出。此為逆。收盡乍熱毒未盡。病後治本免疎失。

乍熱有二。一則熱數日熱止。過數日熱又作者。一則一日之間。有早發熱而午涼。午發熱而夜止者。此二者皆謂之乍熱也。若未出之間。見乍熱。名曰毒未得透。藥宜疎散。以宣毒發表。湯見第五條去升麻。吉梗甘草。或葛根。解肌湯見第五條去赤芍。甘草。加赤茯苓主之。正出之際。甚不宜見。乍熱見之。則為逆候。

此因毒出而邪熱未能。復有內攻之意。必須疎托。以化毒清。

表湯。

見十六條

去天花粉。吉梗。甘草。或清熱透肌湯。去甘草。加生

地黃。地骨皮。主之。又有因大病之後。中氣虛甚而然者。以治本為要。藥宜溫補。以四物湯。加連翹。元參。臨症斟酌而用之。若收後及未收之間。見乍熱者。皆為毒氣未盡。急宜涼解。分利。如清熱透肌湯。去甘草。加黃連。黃芩。生地黃。地骨皮。宣毒發散湯。見第五條去升麻。甘草。吉梗。加黃連。黃芩。生地黃。地骨皮。俱可施治。

清熱透肌湯

治麻未透。熱甚而咳。

元參

石膏

牛蒡子

荆芥

防風

前胡

葛根

杏仁各八分 生甘草 不煎熱服

四物湯 治一切血虛凡血症通宜

當歸酒

生地黄

酒洗各三錢

白芍藥

酒炒二錢

川芎

酒炒一錢五分

涼心血加酒炒黃連。

涼肝血加條黃芩酒炒。

涼肺血加酒炒枯黃芩。

涼大腸血加酒炒子實黃芩。

涼腎膀胱血加黃柏。

涼脾血多用酒洗生地黄。

涼胃血加酒蒸大黃。

涼三焦血。加酒洗鮮地骨皮。

涼心胞絡血。加酒蒸牡丹皮。

涼小腸血。加炒枝仁川木通。

涼心與胞絡氣。加麥冬。

清肺氣。加炒只壳。

清肝氣。加酒炒柴胡。醋炒青皮。

清脾。加酒炒白芍。

清胃。加乾葛。石膏。

清小腸。加赤茯苓。

清大腸氣。三焦氣。加連翹。

清勝脫加滑石 琥珀

血虛加龜板

血燥加乳汁

瘀血加桃仁 紅花 萆薢汁 童便行之

暴血加薄荷葉 酒洗元參散之

血不止加炒蒲黃 京參

血久不止加升麻引血歸經

加黃柏 知母 元參名滋陰降火湯治陰虛有火

加酒炒黃連並酒炒胡連名二連四物湯治虛勞血虛五心煩熱入血室夜分發熱

加黃栢 黃芩 甘萇名三黃四物湯治陰虛潮熱。

加桃仁 紅花名元戎四物湯治脈結便閉。撲損瘀血。

加羌活

防風

一方用北秦艽名治風六合湯治風虛眩暈便秘

難用蜜糖合作丸子又名補肝丸。

加木香 檳榔名治風六合湯治血虛氣滯或血氣上沖。

本方去白芍藥 加防風名防風當歸散治發汗過多而成

痙症宜去風養血。

壯熱第二十六

大熱經日不退休。將出上盡實可憂。正出之時逢壯熱。此爲順候。不須愁。

痲本火候。非熱不出。故最喜有熱如熱勢甚者。以白虎湯去炙甘草粳米。如西河柳連翹牛蒡子木通只壳葛根主之。然治痲大法。總以解毒為主。若痲初熱時。有毒火不退而熱甚者。宜以解毒湯去吉梗主之。若發大熱而經日不退。是為壯熱。初起發熱間。即發壯熱。直至出時而不微者。其症必重。以清熱透肌湯。見二十條去甘草加地骨皮生地黃上連黃芩主之。有咳甚者。加貝母。大便結滯。加火蘇仁只壳。小便赤澀。加

赤茯苓木通治之。或用宣毒發表湯。

見第五條

去升麻。吉梗甘草。

加枯黃芩。生地黄。黃地骨皮。黃連。枝仁治之。若先熱輕。正出現

之時。其熱方甚者。此爲順候。出盡而壯熱不退者。又不宜也。

急宜用涼解疎托之劑。以化毒清表湯。見第十條去吉梗甘草。加

麥冬。熟石膏治之。大便閉者。加丑牛以通之。見第十條小便赤澀者。合

導赤散。去甘草。加車前子以利之。或以竹葉石膏湯。去人參。

半夏。炙甘草。粳米。加別本地骨皮治之。亦可。收後而壯

熱不退者。更不宜也。急宜涼解爲上。以化毒清表湯。見第十條去

甘草。吉梗。加生地黄。山豆根治之。或以河間涼膈散。見第十條去

草。芒硝治之。收後而壯熱兼大渴者。以白虎解毒湯。加元參。

黃精治之。

白虎湯 清肺金泄胃火實熱小便赤者宜之。小便白者慎用。

石膏錢八

知母錢三

炙甘草錢

粳米半

水煎服

解毒湯

治痲熱甚。火毒不退。初出亦宜。

黃連 黃芩

枝仁

木通

吉梗

水煎服

一方有貝母無吉梗。

導赤散

治心熱發搖。及小腸實熱。小便赤澇。

生地黃錢五

川木通

生甘草稍各一錢

淡竹葉一握

燈芯引

一方有車前子。

溺血者加辰砂五分

竹葉石羔湯

治大病後煩熱作渴。傷寒解後嘔渴少氣。

生石膏 淡竹葉 未冬 人參 半夏 炙甘草 粳米
有渴者去半夏。姜引水煎服。

河間涼膈散

治瘟疫時行表裏實熱及心火亢盛目赤便閉。

胃熱發斑

大黃酒浸

芒硝

連翹

黃芩

各一兩

枝仁

八錢

卜荷七

炙甘草炒

淡竹葉

十五片。生蜜五匙引。水煎日三服。夜二

服。得下熱退為度。

一書姜三片。棗三枚。葱白一根引。

易老去大黃。芒硝加淡竹葉。吉楨。治胸膈與六經之熱。以手

少陽三焦足少陽胆腑。俱下胸膈同相火遊行一身之表。乃

至高之分。故用吉楨舟楫之藥。浮而上之。以去胸膈六經之

熱也。症重者，用河間方。輕者，用此方。

白虎解毒湯

石膏

四錢

知母

天花粉

黃連

黃芩

枝仁 各一錢

麥冬

生地黃

各二錢

淡竹葉 十片

水二鍾。煎至一鍾。去滓。入犀角汁於藥內。俟病人要湯水吃時，以此藥與之代茶服。

潮熱第二十七

熱如潮水來及時。初出見之並無疢。出盡若還遇潮熱退陽益
陰妙方施。

潮熱雖然無重軼。初出見之不須驚。出盡收後如潮熱急以四
物益其陰。

潮熱者一日至晚一度。如潮水之及時而來。不失其信也。麻
疹初出。多見此候。若出盡及收後見之。此因氣血虛弱而然。
宜退陽益陰為主。以四物湯見二十條。加入參治之。

五條

渴熱第二十八

疴發於心。肺受先火。甚津枯。生口乾。瀉心清肺。多奇効。治不遠時。病早安。

渴屬肺胃熱盛候。唇口如丹。發渴時。清金瀉火生津液。治分虛實兩般兒。

痲症如焚。飲水饒。炎邪未許。一杯澆。咽喉乾燥。心家熱。津液乾。枯胃脫焦。

渴乃肺胃兩經熱盛之候。唇口如紅。若唇口如丹。是痲發渴之候也。此因內熱所致。火甚津枯。故作口乾。治當瀉火清金生津。然當審察虛實而治之。若二便結滯。則為熱甚。宜用清

熱涼利之劑。以門冬、甘露飲去甘草主之。若二便清利，唇口淡而不紅，而但渴者，此必過用寒涼之藥，損傷中氣，與氣血所致。脾虛不生津液而渴也。以七味白朮散去木香，以山藥、易白朮加粳米主之。初熱作渴者，以白虎湯。見二十去甘草、粳米，加麥冬、天花粉、牛蒡子、連翹治之。或以葛根、麥門冬散去人參、升麻、赤芍、甘草，加天花粉、連翹、牛蒡子治之。渴甚者，以黃連解毒湯。見第二條去甘草，吉更主之。出現之時渴者，以白虎湯。見二十六條去甘草、粳米，加麥冬、天花粉、牛蒡子、連翹治之。出現之時渴甚者，以白虎解毒湯。見二十條加黃柏治之。正收之時而渴者，以所

葉石膏湯規二 去人參半夏炙甘草粳米加元參牛蒡子
黃芩黃連生地黃地骨皮治之。

門冬甘露飲 治痲熱甚而渴

卷冬去心

元參

黃芩

括萸根

連翹各一

生甘草紅

燈芯三十根淡竹葉二十片引。

七味白朮散 治胃虛津氣不行而渴

人參 白朮炒

白茯苓

木香各一

藿香葉

葛根各八

炙甘草六

水煎服

葛根麥門冬散 治熱毒斑頭疼壯熱心神煩悶。

葛根

麥冬去心

石膏

升麻

赤芍

人參

甘草

白茯苓各五

淡竹葉七

水煎服

口渴恣飲致成水蓄第二十九

熱甚作渴饒飲水解毒生津功莫比。若還縱飲不知休。水蓄於中災異起。

痲症原是火邪。心火內亢。肺焦胃枯津液乾涸。發熱之時未有不渴。不可以冷水與飲。只宜以棗豆或芝麻或陳炒米煎湯飲之。治法宜生津解毒。以加味人參白虎湯。去人參甘草。耘米。加連翹牛蒡子元參主之。若任其恣飲冷水必生水蓄之病。如水入肺則為喘。為咳。宜用葶藶以瀉肺中之水。如水入脾則為腫。為脹。為有利。水入胃則為嘔。為噦。宜用豬苓白澤瀉以瀉脾胃之水。如水入心。則為驚。為悸。宜用木通赤苓。

以瀉心中之水。如水入肝則為脇痛。宜用陳莖花以瀉肝中
之水。如水入腎與膀胱則小便不利。宜用車前子木通以瀉
腎與膀胱之水。渴如腹脹不食者乃本虛實滯為敗症而難
治也。

加味人參白虎湯

人參 知母 熟石膏 葛根 天花粉 麥冬 淡竹葉
甘草 粳米一撮為引。水煎以米熟為度。

復熱第三十

麻疹收復喜無熱者。遂復熱毒未息。治宜和解與清涼。莫因收盡遂輕也。

復熱者。謂熱已退而復作也。此候先無。必待麻收後。熱退身涼。越六七日而又復熱。此症非因復感風邪而熱。必因餘熱未清。餘毒復運所致。治宜清涼和解為妙。以清胡荽門冬散去人參甘草。或以生地骨皮湯去甘草主之。然麻初起喜熱。惟忌麻愈之後。復熱何也。蓋麻發熱。多至十一二日。少亦不下七八日。熱久无氣。毒未加之出麻之復。飲食不進。今復重熱。陰陽虛耗。不死何待。急須調治。故再熱者。必大補氣血可

也。以柴胡四物湯主之。

柴胡參門不散 治收後甚熱

柴胡酒炒 人參 羌參各五分

龍胆草三分

炙甘草五分

甘草 水煎服

生地骨皮湯

地骨皮 生地黃 羌參 炙甘草 龍胆草 牛蒡子

連翹 黃芩酒炒 枳仁炒 赤茯苓 木通 甘草稍

燈心引

古有白胎加荆芥 防風

古有黃胎加連翹酒炒

便閉加只壳 火麻仁 明礬再加丑牛

柴胡四物湯 治麻後餘熱

柴胡 黃芩 人參 生地黃 當歸身 川芎 白芍藥
知母 麥冬 淡竹葉 地骨皮 水煎服

始終潮熱第三十一

始終潮熱總不休。飲食不進亦堪憂。咳嗽口渴與痰候。養陰退陽妙方投。

痲症初起。最喜潮熱。正收與收後。又喜無熱。若自初起至收後。而始終潮不退者。或飲食不進。或咳嗽。或口渴。或見痰症。俱屬血虛血熱。夫痲症屬陽。血多虛耗。滋陰補血。其熱自除。此養陰退陽之義也。宜用四物湯。見二下 按症加減。主之如口渴。加麥冬、天花粉。或犀角汁。如咳。加括葉、霜杏仁霜。如有痰。加貝母、陳皮。如有喘。加芥子、葶藶。總宜加元參、骨皮、黃芩、黃柏之類。以治之。切忌用人參、半夏、白朮之類。

煩燥第三十二

心火內熾煩燥干。息宜瀉火清心源。若因久病元氣虛。法用養陰病即痊。

麻本火候。火者手少陰心經主之。心火內熾。故煩燥不寧。若麻症火邪大甚。煩渴便閉。致麻不出。危篤之極。宜清心瀉火。清金以清陽湯。見九條除升麻。吉梗。甘草。生薑。倍用。麥冬。黃芩。元參。以三劑與服。而麻即出。或以加味人參白虎湯。見二九條去人參。甘草。粳米。加黃芩。元參。主之。若係久病之人。元氣虛弱。或變煩燥。口渴。麻竟不收。凝滯在皮膚間者。此血虛故也。則不宜用前二方。當以養陰湯主之。此乃養陰配陽之義也。

養陰湯

熟地黄

牛蒡子

炒研末

當歸

白芍藥

麥冬各八分

荆芥三分

川芎

薄荷各二分

各二分

元參

連翹

各五分

二劑水煎服

後劑加黃連二分五厘

出不快發不出第三十三

欲出不出亡立待。一出即收死反掌。毒歸五臟生四症。只因和留正氣傷。

寒鬱熱邪不得出。隱而不現非早收。宜用湯丸急早治。發而不出。一命休。

痲症初起。必發熱咳嗽。渾身脹痛。有似傷寒之候。惟乾咳連聲。目赤多淚。嘔惡便澹。確為痲症之驗。然發熱之時。既明痲症。而痲於耳後項上腰腿。上先現。然後遍及手足底為齋。總以頭面更多者為佳。痲頂尖長形小而勻者。吉也。若痲疹將發之際。或為風寒暴襲。或因肢體坦露。寒鬱熱邪不能外出。

此全盛之勢未萌。與麻出早收不同。其有初熱吐瀉交作者。是為順候。乾嘔霍症悶亂者。則為逆症。欲出不出者。危亡可立而待也。一出即收者。死在反掌間矣。何也。夫麻以出盡則毒解。邪氣鬱遏。則毒留而不去。正氣損傷。則人因而不伸。毒歸五臟而四症生焉。毒歸於脾。則泄瀉不止。毒歸於肝。心則煩熱不退而生驚搐。毒歸於肺。則咳嗽血出。毒歸於腎。則牙齦腐爛。而成疳蝕。凡有不出快者。內宜用解毒之劑。如消毒飲。見二十條去甘草。宣毒發表湯。見第五條去升麻。甘草。桔梗。淡竹葉。或葛根。解肌湯。見第五條去赤芍。甘草。加只壳。或防風。敗毒散。見第五條去甘草。桔梗。或用葛根。既邪湯等劑。以發之。若無汗而

出不徹者。外用胡荽同葱搗爛。和酒搗蒸熱。以絹包裹。自頭而及手足。逐一揩之。勿令見風。衣被溫厚。自然出快。如有氣粗喘促。腹中脹痛。煩燥不寧。致麻不出者。急以麻杏甘石湯合三味消毒飲。俱去甘草以治之。輕則仍以宣毒發表湯。親研去升麻桔梗甘草主之。若因觸犯風寒。霧露隱現不能發出者。以新猪糞沖湯隔蘆蒸之。冷則更添滾者。并取猪糞燒灰。以葱白湯調下二三錢。此乃痘科治痘黑陷。用燒人糞之變方。即用燒人糞與服亦可。若發之而仍不出者。則不治矣。

葛根流邪湯

葛根 防風 荆芥 蘆葉 牛蒡子 連翹 地骨皮

前胡 赤茯苓 只壳 木通 燈心引

麻杏甘石湯 治發汗後汗出而喘無大熱者

麻黃

去節三錢

杏仁

去皮尖研碎二十粒

石膏錢五

炙甘草錢一

水煎服

此乃麻黃湯去桂枝而兼越脾湯也。專祛上焦濕

熱痰氣。

三味消毒飲

荊芥

牛蒡子各一錢五分

甘草錢

水煎服

過期不出第三十四

過期不出毒猶藏。孔閉膚乾勢可怪。刻限必求麻疹現。麻黃散子是仙方。

過期不出勢淹延。毒閉身中難出現。急用透肌休怠玩。豈堪臆臍受熬煎。

發熱六七日已後。明是疹

也。延不出。此腠理厚密毛孔

虛閉。皮膚乾燥堅厚。毒氣拙

或又為風寒襲之。曾有

吐利。乃伏而過期不出也。急用

之劑。以麻黃散去

升麻加胡荽子以發之。或用獨聖散加胡荽子牛蒡子連翹。春冬寒月。再加蜜酒炒麻黃以發之。又有治麻欲出不出者。

以消毒散加麻黃穿山甲以治之。似乎大猛。曷不若以消毒散去殭蚕蟾酥加胡荽葱白葛根蟬蛻春冬寒月。更加寮酒炒麻黃以發之。或外用胡荽酒以苧麻懸裏為當。若當出不出。而無他症者。以葛根疏邪湯現三十條主之。如不出。急取向東狗糞燒灰存性。水調服之。即現。若當出而參差不齊者。以黑芝麻。用冷水搗服。若當出而過期不出。反見煩燥悶亂腹脹氣喘手足冷者。不治。倘一向未更衣者。此毒盛於裏。伏而不出。用河間涼膈散規二十條去甘草加牛蒡子主之。或從權施治。以七物升麻丸解之。發之解之不出者。死症也。

赤黃散

秘本方

麻黃

去根節水煮打去黑汁盡酒浸拌炒

人中黃心煉

牛蒡子炒

蟬蛻

去頭尾升麻炒

水煎服

獨聖散

又名種葉散

西河柳

一名觀音柳。一名女絲柳。又名瘦柳。小幹弱枝葉細細如絲。花穗長三四寸。水紅色。如寒花之狀。花遇雨即開。為末。以茅根煎湯下三四錢。白水亦可。

消毒散

牛蒡子

地龍研末各二錢

姜蚕薑汁

貝母去心

防風

荆芥各一錢

蟬酥二錢

為末淡竹葉煎湯下一錢

七物升麻丸

凡覺四肢大熱。大便艱難。或二三日不更衣服

之取微利。不利再服。更衣即大便也。

升麻 犀角 黃芩 朴硝 大黃 各二
淡豆豉 二微炒
枝仁 二
為末 蜜丸 黍米 大白湯 下五六分

已出熱甚不減第三十五

熱出。半身似火燒。毒邪壅甚。急難消。解肌只許皮膚煖。救裏宜
令便溺調。

麻本火候。非熱則不得出。麻疹欲出。則遍身發熱。或煩燥。或
頭疼。或身拘急。及既出。則身便涼清。此一層麻隨收矣。若麻
既出。而熱甚不減。此毒邪壅遏。宜以古方大青湯。去甘草。解
其表。如便澀者。以古方黃連解毒湯。加牛蒡子。連翹。川木通。
只壳石膏。知母。或以大連翹湯。以地骨皮。易柴胡。去赤芍。治
之。若大便不通者。以河間涼膈散。規二十條去甘草。加牛蒡子。
以解其裏。既出發熱不退。飲食少進者。此毒逼胃。宜以加味

地骨皮散加赤芍甘草加酒蒸石斛治之。

古方大青湯 治斑疹解毒良方

大青 元參 知母 石膏 木通 生地黃 荆芥穗

附地谷皮 甘草 淡竹葉十二片引

古方黃連解毒湯 治火表痘疹通用

黃連 黃柏 黃芩 枝仁 水煎服

加大黃名全華九潤腸瀉熱

大連翹湯 鮮裏熟良方

連翹 防風 瞿麥 荆芥穗 木通 車前子 當歸

煇蛻 黃芩 滑石 枝仁 柴胡 赤芍藥 各等分

加紫草茸伍

水煎食前

加味地骨皮散

地骨皮錢三

桑白皮

麥冬錢

葛根

此柴胡

赤芍藥錢

生犀角屑

甘草

分五

水煎服

已出紅腫大甚第三十六

麻喜如珠紅潤澤紅腫太甚又非吉毒火壅遏勢堪憂急治免
教變紫黑。

麻出連串如珠顆粒分明紅活光潤方為美候。若麻出而紅
腫大甚者此毒大壅遏所致。倘不急治必變紫黑乾枯。隱伏
惡症。宜以化毒清表湯。見十條去桔梗甘草。或清熱透肌湯。見
十五條去甘草。加黃連黃芩。只壳木通山豆根。葶藶以治之。

不透表第三十七

隱隱藏於皮膚中。欲出不透後多凶。疏托消毒與分利。須詳三
因始為工。

麻疹不能透表者。謂混身麻疹。藏於皮膚之中。欲出而不能
透也。古云隱暗之麻。後多凶為難治。然此不透之症。有三因
治者當詳審而施治。一者因風寒鬱遏。未能疎托。以致皮膚
乾燥。毛竅竦立而然。此宜以疎托為主。以宣毒發表湯見第
五條
去升麻。吉椶。甘草。合越脾湯見二十
三條。去炙甘草。生姜。紅棗。加
葱白。胡荽。以發之。或用葛根。疎邪湯見三十
三條。加胡荽。葱白。發
之亦可。如表虛不勝。疎托者。當以葱白一味。煎濃湯。時時與

服但得微汗。風寒即解而麻自透。一者因火毒內熾。熱極不能透表者。此症麻疹根地頭粒。混成一塊。而色紅紫。急宜消毒清熱。以白虎解毒湯。見二十條加荊芥元參連翹牛蒡子治之一者。因中氣本虛。而不能透表者。此症皮膚不燥。唇口淡白。二便如常。雖有蘊熱。不可輕用寒涼。即用峻劑升發。亦終不得出透。但當分利。使之內化可也。宜以消毒飲。見二十條去甘草合三苓散。加連翹。只亮以分利之。假使虛熱內熾。唇口雖紅。其色亦淡。此等症候。雖欲透而不能透也。只宜消毒以消毒飲。見二十條去甘草加山荳根連翹主之。又有一等惟胸腹腰背煖處。止有一二處現有麻疹。粒頭赤紅。頭面手足之

聞作見亡無。此症必纏綿難已。且有收後五七日復發。而三欠而愈者。此乃氣候之異。非不透之症比。只宜辛涼表。以清熱透肌湯。五錢二十去甘草治之。漸次求愈。款款費功。轉增危殆。

三苓散

茯苓 豬苓 澤瀉

水煎服。傷暑者用硃砂燈心引。

盡透表第三十八

粒頭尖小收根者。此為盡透表症也。扁潤痒赤不離肉。熱邪中伏大非雅。

麻盡透表方無後患。何以見其透表。但得粒頭尖大離肉收根。及粒頭細小收根。二者俱為盡透表也。其有一種扁潤。掀赤成塊。塊上復有小粒。平塌不起。而未見塊上離肉。又有一種結成小塊。如風毒遍身癢痒。偏高而紅腫。但粒頭不尖者。此二症雖透表。其中必有熱邪伏留。後必變症。並宜用竹葉石膏麥冬連翹牛蒡子以滋潤之。或以化毒清表湯。見六條去桔梗甘草薄荷防風加麥冬主之。縱有餘熱。從此渙散矣。

一齊湧出第三十九

一齊湧出莫驚惶。頃刻渾身殊錦裝。似痘出時隨又收。如斑紅赤却成瘡。

痘以三四次出。謂之出勻。麻貴一齊湧出。謂之出盡。故凡麻只要得出。毒便輕減。以火照之。遍身如塗硃之狀。此將出之兆。出形細密。與痘相似。但麻則隨出隨收。非若痘之漸長而漸大也。出形鮮紅。與傷寒之發斑相似。但麻則粒粒成瘡。非若斑之皮紅成片。如蚊咬之跡也。故凡麻以一齊湧出為最美候。不須用藥。

麻色分治第四十

麻赤澤身似錦紋。白色血少。要滋營。黑麻一現最凶惡。解毒消斑用大青。

痘瘡赤豔痒來攻。麻疹鮮紅毒得鬆。白色血虛猶可治。黑斑惡候莫相逢。

痘麻之色不可同論。大抵痘怕太紅。皮嫩易破。必生癢痒。麻疹之色最喜通紅。何則。夫麻發於心。心屬火。紅者火之正色也。故麻鮮紅者。毒得盡發而吉也。若麻色淡白者。乃心血不足也。治宜養血為主。以養血湯除甘草。或益營湯去人參。赤芍藥甘草。或養血化斑湯去人參治之。又有以四物湯見什

加升麻葛根治之者。四物雖屬血劑。而白芍川芎。麻症不宜用。而加升麻。尤為不宜。莫若養血湯。隨症加減。而用。實為要當也。若麻色赤如錦紋者。以古方化斑湯。見二十條去人參升麻甘草早米。加元參。或萬氏化斑湯。見二十條去吉梗甘草治之。然俱宜加生黃芩生黃連治之。如色大紅。豔或微紫。血熱也。或出大甚者。並宜以秘本大青湯。去升麻吉梗。或以古方大青湯。俱加牛蒡子連翹黃芩黃連生地黃主之。黑斑者。死証也。亦當以秘本大青湯。去升麻吉梗。加生地黃黃連黃芩。火燒人屎末服之。大便秘者。加酒蒸大黃利之。

養血湯 治麻出白色

生地黃 當歸身 紅花 陳皮 甘州 生姜一片引

益營湯 治麻色白

人參 當歸炒酒 紅花洗酒

赤芍藥桂水

甘州 水煎服

養血化毒湯 治白疹

人參 當歸身 生地黃 紅花 歸選 生薑引

秘本大青湯

大青 人參 知母 石膏 木通 枝仁 人中黃火研細

吉檀 升麻 水煎調人中黃末服

陰陽兩部多少第四十一

麻本火候先動陽。陽部多時症候良。陽部若是稀少者。恐有後患須當防。

先動陽分後歸陰。陰部雖少症亦輕。胸腹四肢向內者。若達稀少喜盈盈。

麻症雖肺胃主之。而多屬於火。發則先動陽氣。而後歸於陰。經面本為陽。所以人身之中。麻疹陽部宜多而不宜少。陰部宜少。多亦無妨。何為陽部。頭為諸陽之首。面乃陽中之陽。背與四肢向外者。皆屬陽。但得此數處。麻多而透表。則無後患。何為陰部。胸為陰。腹乃陰中之陰。腰與四肢向內者。皆為陰。

但得陰部少而陽部多。或陽部透表而陰部不能盡透。均為
順候。若陽部少而陰部多者。須防後患。如解毒湯。見二十除
去吉梗。清陽湯。見第九條。除去升麻。吉梗。甘草。生薑等劑。俱可隨
症加減而用。若陰陽兩部俱少者。此乃麻毒輕也。不在此例。

紅潤不起已出不紅第四十二

紅潤尖聳如珠狀。此等麻疹最為上。若紅不起二便澀。急用清熱透肌湯。

出而不紅發熱甚。煩燥頭疼或身疼。葛根疎邪解表方。須宜早用莫遲延。

麻疹色貴紅。形貴尖聳。若色雖紅潤而麻不起發者。或兼二便艱澀。宜用清熱透肌湯。五條去甘草治之。如麻色淡而不起。二便如常者。此屬本虛。當兼培養氣血。以清熱透肌湯。五條去石膏甘草。如生地黃當歸治之。若已出而標不紅。已現而發熱轉甚者。或頭痛身痛煩燥者。以葛根疎邪湯。

如元參麥冬主之。或更加連翹地骨皮亦可。凡欲解散表邪。但表實邪甚者。此方最宜。

葛根疎邪湯

葛根 防風 荆芥 蘇葉 牛蒡子 連翹 地骨皮
前胡 茯苓 尺蠖 木通 燈芯引

鮮紅色淡紅色第四十三

鮮紅光艷有重輕。粒頭離肉。膚潤平。若大低塌不高聳。清肺瀉火保安寧。

痲色淡紅正所宜。本來肺胃毒少稀。若是粒頭不離肉。低塌色焦又貴醫。

痲色鮮紅。內多有熱。鮮紅者必光活而有艷色是也。若是粒頭離肉。皮膚活澤。症還輕平。倘粒頭低塌不高者。其症多重。急宜清肺瀉火。如黃芩知母麥冬天花粉牛蒡子石膏清金之藥。黃連枝仁連翹元參大青黃柏瀉火之品。在所必用。以黃芩瀉肺湯。去吉梗大黃甘艸。加麥冬牛蒡子元參主之。至

若痲色淡紅。痲所正宜。蓋肺胃之毒原輕。痲色故淡。再得粒頭高聳而離四。此上吉之候。若粒頭低塌。而色焦枯燥。又因風寒外折。葉宜疎散之劑。以葛根解肌湯。五解去赤芍藥甘艸治之。又有一等初出。粒頭不高。色帶赤淡紅。大便閉結。唇口燥赤者。此火邪內鬱。大熱症也。急宜用大寒涼之劑。佐以疎托之藥。以白虎解毒湯。見二十六條去竹葉加元參荊芥治之。若不早治。過數日後。色變紫黑。而難治矣。

黃芩瀉肺湯 治肺熱裏實症

黃芩 枝仁 只壳 薄荷葉 連翹 杏仁 大黃

吉梗 甘艸 水煎食後服

粒紅白麻如肌白第四十四

麻出成片被風押。忽然一變為白色。若是粒紅。只膚白。毒從血
化症候言。

麻之粒頭高聳。色紅淡潤。而肌膚白者。此肺胃之火原輕。乃
上言之症。不須服藥。又有毒從血化。而見此候者。亦有因熱
毒從汗解。而見此候者。俱不必用藥而愈。若初出之時。麻色
如肌膚一樣白。不分肉地。惟粒頭高聳。晡時即收者。邪熱本
輕也。然有表氣本虛。而色白者。調護溫煖。無冒風寒。越二三
日。而自變紅活也。古云白疹溫煖。而後滅者。此之謂也。又有
一等正出之時。為風寒所遏。致麻色如膚白者。其人必見毛

寐味。此等症候。必用疎散之劑。解毒散風。方得紅活。以蒼
根。疎邪湯。三。或葛根解肌湯。五。去赤芍。甘草。加蘇葉。
薄荷。只壳。赤茯苓。主之。倘若失治。致毒難盡。變症多多。又有
一種。麻山。成片。一被風寒所折。即變為白色。身不發熱。而毒
反內攻。煩燥。腹痛。瘦喘。氣急者。危候也。如毒攻於胃。則嘔吐
清水。毒攻於脾。則腹脹不食。毒攻於肺。則鼻塞。喘促。毒攻於
心。則唇舌焦裂。不省人事。搖頭掣手。毒攻於肝腎。則變黑色。
而不救矣。

紫黑色第四十五

麻過紫黑內熱極。光活潤澤生可得。紫赤乾燥無起意。縱是仙翁也費力。

麻過紫色內熱極矣。但得光活潤澤。粒頭尖聳者可治。宜用清涼解毒之劑。佐以消痰定喘之藥。以涼血散子。去赤芍。加貝母。只壳。葶藶。連翹。牛蒡子。生之。搗細煩燥者。以古方黃連解毒湯。見三十。調辰砂滑石末治之。焙既出之時。而色紫紅。乾燥晦暗者。乃毒火熾甚。息以生地。茶連湯。去白芍。防風。粉葛。加只壳。紫艸。連翹。或涼血地黃湯。去甘艸。如木通。只壳。紫艸。連翹。牛蒡子。黃芩。黃柏。煎之。或以四物湯。見二十。加酒炒。

紅花紫艸地骨皮黃芩連翹牛蒡子黃連粉葛之類以滋陰
涼血而內熱自除。所謂養陰退陽之義也。若麻收之時。身上
癩形肌膚帶紫色。或青色者。此內毒實熱之候。以大連翹飲
五條三十去柴胡赤芍甘艸。加地骨皮。只實黃連牛蒡子以利
二便。使實熱從二便而洩。如熱極甚者。再加大黃以治之。又
有一等見煖則紅活。不煖則焦枯。此為風寒所閉。治法雖應
涼解。而不可大過。以煖為是。宜用養陰湯。二條三十用生地黃
六白芍川芎。加防風荆芥以治之。若麻紫而不光潤。顏色枯
燥。而無起意者。則難為矣。

涼血散子

生地黃一分

一分

黃連五分

黃芩

荆芥

元參

各一分

紅花三分

丹皮

赤芍

各八分

木通

水煎

溫服

生地黃連湯

生地黃

黃連

黃芩

連翹

鮮花

防風

粉葛

枝仁

元參

木通

石膏

當歸

牡丹皮

白芍藥

燈心引

如大便三四日不通合河間涼膈散利之

見三條

涼血地黃湯

生地黃

當歸尾

黃連

枝仁

元參

甘草

水煎服

粒頭焦第四十六

麻粒頭焦實可驚。熱極急將脾胃清。治之若遲不及時。成此
黑命歸陰。

麻疹透表而粒頭焦者。不論麻色紅淡。皆為熱極之候。急宜
清肺涼胃。分利小便。並宜以白虎解毒湯。規二十重用石膏。
加木通澤瀉。或加車前子治之。如乾燥無汗。加蜜酒炒麻黃
以汗之。大便燥者。宜於清解劑中。佐以血藥。而潤燥以全書
除熱清肺湯。加當歸火麻仁只壳治之。如不通者。方以承氣
湯。或河間涼膈散。規二十去甘草下之。倘治之不早。多致紫
黑難救矣。有等原發小疖而頂焦。有似於麻焦。而實非麻焦。

臨症須宜詳審。

全書除熱清肺湯 清肺金 瀉心火 主方

麥冬 黃芩 石膏 元參 生地黃 貝母 赤茯苓

壯熱加地骨皮黃連。 氣粗加炒葶藶子括蕞霜。

便閉加當歸火蘇仁只壳。

承氣湯 治少陽胆經陽明大腸症

生大黃四兩 厚樸姜汁拌炒

只實麵粉拌炒三枚

加芒硝三冷名大承氣湯

水煎服

雲頭片第四十七

麻如雲片，嫩紅赤，或作腥臭，出膿血。一因表火，一因裏治分內，外免疎失。

麻出有如雲頭大片，其形微起，此症有二。一樣現大片，嫩紅赤腫而微離肉者，一樣於紅腫大片之上，復有小紅點，現於片上者，皆因表火熾甚所致。當分內外，用大寒涼之劑，或分利之。以白虎解毒湯見二十加葛根、元參治之。若麻出如錦紋斑爛，或出膿血腥臭不乾，心胸煩悶，嘔吐清水，身溫熱者，以白虎解毒湯見二十加貫仲以散結積諸毒，而除濕熱。加防風、荆芥、穗以治風，而消瘡毒。有加蒼朮治之者，雖慎勿遲，云其當然似乎當慎。

延恐致不救。若麻稠密。身痛煩燥者。以涼血飲子。見四十去
赤芍。加紫草連翹牛蒡子治之。倘係癢疹。遍身狀如雲頭片。五條
斑點乍有乍無者。則當以消風散治之。

消風散

當歸 生地黄 防風 蟬蛻 知母 苦參 荆芥
胡麻仁 牛蒡子 石膏各一錢 木通分五 水煎食遠服
一方有蒼朮甘草

發斑似發斑屑已出夾斑第四十八

發熱蒸_七便已鞭皮紅似錦是名斑莫將麻疹雷同看。笑殺庸醫一樣觀。

斑症血勝氣不足。麻候營血虧耗多。初熱皮膚覺似斑。莫作真斑用寒藥。

麻疹初起全類傷寒。但中指冷者。乃是麻候。若發熱時大便閉結。或鞭硬。皮膚上紅如錦者。乃熱留胃中。是發斑症。非麻疹也。不可認作是麻。而妄用發散之劑。用之反增危劇。宜以加味人參白虎湯。見二十九條去人參。天花粉。甘草。粳米。加大青元參。生地黃。只實木。通主之一者。則可以化斑屑。二則無碍。

乎麻候。如大便不通者。以三黃丸微利之。夫發斑之症。乃血有餘而氣不足也。麻症乃是火熬血分。血多虛耗。陽氣多旺。何得有此。若發熱之時。皮膚上有覺似癩屑者。此實非斑。乃風寒所協在表。而成癩疹。此等症候。只宜疎散之劑。內加清解之藥。俟麻一透。癩疹自退。慎勿認作真斑。而施苦寒之品。遂用紫草紅花石膏等化斑之藥。以致大便水泄不止。元氣日衰。致麻內陷而難救也。如葛根解肌湯。見第五條去赤芍甘草。可以施治。若麻已出而夾斑者。以犀角紅花飲主之。

三黃丸

黃連 黃芩各一兩 大黃二 為末水丸白米送下

犀角紅花飲

犀角

糖

紅花

生地

當歸尾

丹皮

連翹

牛蒡子

木通

只洗

水煎服

易收早收難收第四十九

痲出高聳潤澤點清鮮重施肺無險自表至裏漸次收。層無瘡
痕名為欬。

痲出一日即便收。非胃風寒即挾熱。誤食酸物亦能致。三者原
來有分別。

旋出旋收病勢輕連綿不盡勢堪驚。化斑解毒令消滅莫使餘
邪弄病身。

痲疹出收合陰陽出以溫和收以涼連出不收陽氣盛連七間
出是陰強。

痲疹出收常以六時為準。如子後出午時即收。午後出子時

即收。乃陽生陰長。陰生陽成。造化自然之數也。凡此旋出。旋收者。乃為易收。其症則輕。然麻之易收。必須先時麻出高聳。粒尖淡紅色潤。以其毒輕。而肌表易清。肺無加咳。故易收也。又有一等。火毒雖重。而重施清解。以致肺胃火邪息退。而易收者有之。然必於三日之間。從肌表而漸收於裏。或三日之間。一時收盡。膚上並無瘡痕形影者。方為易收。治者當詳審之。若麻出一日而收者。乃見風大早。為風寒所沖。麻毒內攻。清爽者。非為易收。急宜施治。若不早治。必致胃爛而死。宜以葛根疎邪湯三條一主之。雖不復出。亦無後患。即三日後。麻已收斂明白。如有被風寒所襲者。亦宜以此方主之。至於

早收則與易收不同。早收者。淋出未經三日。或一二日。或半日而收盡。週身肌膚煖處。絕無紅影。乃為早收。終變危候。若雖未經三日而早收。肌膚上煖處。尚未全收。其毒未盡。而攻於內。急宜清毒。鮮肌透表以救之。宜用解毒快斑湯。去查肉生。甘艸。川芎。吉梗。並紫艸。加石膏。知母。元參。治之。發之不起。當審其所因。而與內鮮。何則。早收之候有三因。一因正出未透之際。而胃風寒。麻因風寒所過。邪反內攻。以致早收。宜以葛根。疎邪湯。見條三十。加蔥白。與之熱服。或以消毒飲。見條二十。去甘草。加蔥白。葛根。與之熱服。服後便透者。吉。不透。則再用消毒飲。見條二十。去甘草。加酒蜜。炒蘇黃。有更則穿山甲者。當

酌量而加以治之。不急治。必發喘脹而死。亦有遍身清紫熱腫。喘脹氣急。此毒滯血凝。半匿肌表。急用河間涼膈散。見二十條去大黃芒硝甘艸。如元參紫艸葶牛。須寒炒麻黃石膏以發越之。若腹脹喘促。溺清臍突者。以河間涼膈散。規二十去大黃芒硝。加丑牛葶薏芥于治之。或可救一二。一因內挾熱痰。火毒抗刺。而伏匿煩燥。或腹脹喘急。不省人事者。以白虎解毒湯。規二十除天花粉淡竹葉。加元參牛蒡子連翹括萎霜治之。一因食酸醋收斂之物。以致肺賦不通。毛竅閉密。而伏匿。壯熱喘咳煩悶者。以猪胆汁煮甘艸煎湯。續匕與服。或以苦銀同生甘艸煎湯。灌之以探吐。吐中便有發熱

之義。然仍宜疎托。當以消毒飲。二條。十去甘艸與服。如誤食
豬肉。喘脈氣急者。亦以消毒飲。二條。十去甘艸。加只壳。丑牛
亘肉以下奪之。有用只壳湯。去厚朴甘艸。加神曲麥芽治之
者。確無濟於事。若誤食桃李生冷。喘咳聲痛者。以消毒飲。二
條。加木通只壳石膏馬兜鈴。去生甘艸主之。果得熱退身
安。氣息漸調者。方可無虞。又有因大病。或久病之後。而出瘰
其人中氣虛耗。致毒不能發越。而收早者。或有因初潮始熱
之時。泄瀉久經不止。或末發熱之先。曾經同泄者。亦致中氣
虛損。瘰絲出盡。而隨即收者。此數者。雖用疎托之藥。而毒終
難發盡。惟當健運中氣。畧兼解表清熱之劑。如香砂六君湯。

至半夏少用白朮木香砂仁等分。加麥冬連翹牛蒡子酒炒
黃連酒炒黃芩荆芥防風葛根之類。可以施用。愚意當以沙
參易人參。慈
茲仁易白朮木香砂
仁可除。更見二十可加貝母。但與微整門戶。仍即用消毒之劑。如消
毒飲。二條又宜緝用。慎勿遲延。恐致肺胃敗爛而不救。若
痲已出而復收。有用當歸紅花飲。加葱白牛蒡子連翹。或出
葛根治之者。大為不妥。姑錄是方。証誤。或出
不盡。心慌啼哭不止。十分危急。死在須臾。或下痢腹痛。有用
白芍二味治
之者。不妥。須當以解毒快斑湯。去吉梗甘艸查肉紫艸茸
川芎。加只壳赤茯苓。隨症加減治之。大抵痲在三四日之後。
覺漸次收斂。方為順候。然必待肌表清涼。痲方能收。若痲出
至三四日。五七日不收者。肌膚必然壯熱。此為難收之症。宜

用解肌涼血之劑。佐以利水之藥。以涼血飲子。五條十除去
赤芍。加木通赤茯苓。只壳。葛根。主之。若一出連綿。至四五日
不收者。乃陽毒大甚。須用化斑解毒湯。去升麻大黃。加黃連。
黃芩。生地黃。地骨皮。以解之。便閉而有腹疼者。並用大黃以
利之。或以秘木大青湯。規條四去升麻。杏梗。加黃連。地骨皮。
黃芩。生地黃。以解之。便閉腹疼者。加丑牛以利之。群其毒使
之發於外。庶裏無餘邪。免生後患。若解之而仍遲延不出者。
乃風寒外束。皮膚秘密也。宜以葛根。疎邪湯。規條三十加薄荷。
地骨皮。治之。若麻點帶白燥色。隱於肌表之間。似收非收。
而實不收者。此必因風寒所解。而不能透表。非難收也。宜急

用疎托之劑。佐以寒涼之藥。以葛根解肌湯。現條五去赤芍
藥甘艸。加防風黃芩治之。若肌膚之上無點粒。惟見如片。膚
平不高。此為易收。而未收盡也。宜用解肌之藥。亦以葛根解
肌湯。現條去赤芍甘艸。隨見加減治之。如見有內熱之症。亦
宜清內熱。倘內熱不除。多致不能盡收。如生地骨皮湯。現條
去甘艸。古方黃連解毒湯。現條十加味導赤散。俱可選用。加
減而施。

張璐先生曰。西北水土剛勁。稟質亦厚。痲必五七日乃收。東
南風氣柔弱。痲出不過二三日即收。迺來地運變遷。無分西
北東南。稟質動弱。未有不綿延日久方收者。當非難收之比。

若三四日後。麻疹點燥色白。隱隱於肌膚之間。而難收者。此必衛氣素弱。不能收斂。或因衣被單薄。致冒風寒。阻其發越之機。以致延綿多日。法當用辛散透表之劑。如荆芥葛根前胡牛蒡子西河柳麻黃之類。以發散之。淡竹葉元參薄荷蟬蛻之類。以透肌。切不可遽用寒涼。閉其開洩之路。此訓可以為萬世治麻大法。

詳壽快斑湯 麻疹現形一二日宜用

連翹 牛蒡子 荆芥穗 防風 當歸尾 吉櫻核 七

生地黃 查肉絡八 蟬蛻七類足 黃芩 紫艸茸各六

乾葛枝 西河柳五 川芎五 生甘艸三類

水煎以犀角磨汁對服

只亮湯

厚朴桂枝湯

陳皮半夏湯

只亮明飲

炙甘草湯

水煎服

香砂六君湯

治氣虛痰滯食滯氣滯等症

人參

白朮

白茯苓

炙甘草

陳皮

半夏

木香

砂仁

紅參姜引

當歸紅花飲

治麻已出而復收保胎用方

當歸酒

紅花

葛根

連翹

牛蒡子

甘草

水煎服

一書有升麻

一書有生白芍吉梗

化斑解毒湯

元參 知母 石膏 牛蒡子 連翹 人中黃炒

大黃酒 淡竹葉 升麻 水煎調人中黃服

加味導赤散

薄荷葉加 生地黄炒 木通 元參 車前子炒

淡竹葉炒 連翹炒 黃連炒 燈芯石 青石